



17428



王陽明先生全集目錄



卷二十 公移三

總督府藏  
平定無田  
無難承



欽奉 敕諭通行

嘉靖六年十  
月初三日

湖兵進止事宜

十月

牌諭安遠縣舊從征義官葉芳等

十一月

批南康縣生員張雲霖復學詞

批贛縣生員雷瑞詞同

放回各處官軍牌

十二月二  
十五日

犒諭都康等州官男彭一等

十二月二  
十八日

王陽明先生全集

卷二十

目錄

一

劄付永順宣慰司官舍彭宗舜寇帶聽調

批廣西布按二司請建講堂呈

批立社學師耆老名呈

嘉靖七  
年正月

議處江古諸處徭賊

批嶺西道立營防守呈

二月

犒送湖兵

批嶺西道撫處盜賊呈

禁革輕委官職

分派思田土目辦納兵糧

四月

按行廣西提學道興舉思田學校

揭陽縣主簿季本鄉約呈

賑給思田二府

牌行靈山縣延師設教

六月

牌行委官陳迨設教靈山

牌行南寧府延師設教

呈

牌行委官季本設教南寧

批嶺東道額編民壯呈

裁革文移

王陽明先生全集

卷二十一

月

二

批右江道調和寨目呈

批南寧府表揚先哲申

批增城縣改立忠孝祠申

批叅政張懷奏留朝覲官呈

經理書院事宜

八月

牌行南寧府延師講禮

劄付同知林寬經理田寧

劄付同知桂鏊經理思恩

牌行南昌府保昌縣禮送故官

調發土兵

十月

犒獎儒士岑伯高

征剿八寨斷藤峽牌

七年三月以下俱征八寨

牌行領兵官

戒諭土目

五月

追捕逋賊

牌行委官林應聽督諭土目

牌委指揮趙璇留剿餘賊

六月

牌行副總兵張佑搜剿餘巢

七月

王陽明先生集

卷二十一

目

三

犒勞從征土目

八月

綏柔流賊

告諭村寨

議立縣衛

撫借來降

批嶺西道議處兵屯事宜呈

行左江道勦撫仙臺白竹諸猺

行叅將沈希儀計勦八寨牌

分調土官韋虎林進勦韋召蠻等賊巢

行潯州府撫恤新民牌

批廣東按察司立縣呈

批湖廣兵備道設縣呈

行嶺北道申明教場軍令

行江西布按二司釐革撫綏條件

廬陵縣公移

王陽明先生全集

卷二十

四

王陽明先生全集卷之二十

同里後學命 嶙重編

公移三

總督兩廣  
平定思田

征勦八寨

欽奉 勅諭通行

嘉靖六年十  
月初三日

嘉靖六年七月初七日節該 欽奉勅諭先該廣

西田州地方逆賊岑猛爲亂已令提督兩廣等官  
都御史姚鏌等督兵進勦隨該各官奏稱岑猛父  
子悉已擒斬巢穴蕩平捷音 上聞已經降 勅

獎勵論功行賞及將改設流官添設叅將等事條

王陽明先生全集

卷二十

公移三

一

陳又經該部議擬覆奏施行去後續該各官復奏  
惡目盧蘇倡亂復叛王受攻陷思恩又經切責各  
官計處不審行令將失事官員戴罪督兵勦捕及  
調江西輦兵湖廣永保二司土兵并力勦殺務收  
全功并勅巡按御史石金紀功外但節據石金所  
奏前項地方盧蘇王受結爲死黨互相倚禍孽  
日深將來不可收拾又叅稱先後撫臣舉措失當  
姚鏌等攘 無策輕信寡謀圖田州已不可得并

思恩胥復失之要得通行查究追奪朕以事難遷

度姚鎮等前功難泯後有疎虞得旨切責之後能  
自奮勵平寇有功亦未可知難遽別議乃下兵部  
議奏以各官先後所論事宜意見不同且兵連兩  
廣調遣事干鄰境地方必得重臣前去總制督同  
議處方得停當今特命爾提督兩廣及江西湖廣  
等處地方軍務星馳前去彼處卽查前項情由  
州因何復叛思恩因何失守督同姚鎮等斟酌事  
勢將各叛亂未形者可撫則撫反形已露者當  
勦則勦一應主客官軍從宜調遣主副將官及三

司等官悉聽節制治以軍法明示威信務要計處  
合宜仍令御史石金隨軍紀驗功次從實開報以  
憑陞賞賊平之後公同計處應設土官流官何者  
經久利便并先今撫鎮等官有功有過分別大小  
輕重明白奏聞區處凡用兵進止機宜及一應合  
行之事勅內該載未盡者悉聽便宜從長處置事  
體十分重大者具奏定奪朕以爾勳績久著才望  
素隆特茲簡任爾務以體國爲心間命就道竭忠  
盡力大展謀猷俾忠殄除地方安靖以紓朕西

前之憂仍須深慮却顧事出萬全一勞永逸以爲  
廣人久遠之休毋得循例辭避以孤衆望爾欽哉  
故諭欽此欽遵照得當爵猥以菲才濫膺重寄多  
病之餘精力旣已減耗久廢之後事體又復闕疎  
大懼弗堪有負 委托及照兩廣之與江西湖廣  
雖云相去遼遠而壤地相連士夫軍民往來絡繹  
傳聞旣多議論有素况在無嫌之地是非反得其  
真且處傍觀之時區畫宜有其當合行諮詢以輔  
不逮除委用職官及調遣軍馬臨時相機另行外

擬合通行爲此仰抄捧回司照依案驗備奉 勅  
諭內事理卽行本司掌印佐貳及各道守巡兵備  
守備等官并所屬大小衙門各該官吏凡有所見  
勿憚開陳其間或撫或勦孰爲得宜設土設流孰  
爲便利與凡積弊宿蠹之宜改於目前遠慮深謀  
之可行於久遠者備寫揭帖各另呈來以憑採擇  
各該官吏俱要守法奉公長廉遠恥祛患衛民竭  
忠報 國毋以各省而分彼此務在協力以濟艱  
難果有忠勇清勤績行顯著者旌勸白有常典當

爵不敢蔽賢其或奸令畏縮志行卑汚者黜罰亦  
有明條當爵亦不敢回惡深惟昧劣庶賴匡襄凡  
我有司各宜知悉仍行鎮守撫按等衙門知會一  
體欽遵施行

湖兵進止事宜

十月

據廣西桂林道右叅政龍誥僉事申惠會稟原調  
永保二司宜慰官舍土兵共六千餘員名八月自  
辰州府起行九月盡可到省城各職卽日起程前  
去全州興安等處接應督押爲照大兵進止自有

王陽明先生全集

卷二十

公移二

四

機宜今未奉節鉞撫臨莫知適從查得舊規兵至  
卽發哨徑趨賓州聽遣如至賓州而未用恐接境  
思田二府不無致生疑變合無將各兵前赴梧州  
府屯劄聽候軍門撫臨調度等因照得本年八月  
二十四日先准兵部咨該本爵看得先任總督巡  
撫都御史姚 已蒙 欽准致仕而本爵又以扶  
病就醫聽候辭本 命下未卽起程况湖兵未至  
秋暑尚深遙計賊情正在懈弛機有可乘事宜從  
便已經行仰各該失事帶罪立功守巡叅將及各

領兵督哨等官務要相度機宜若各叛目誠心投撫中間尚有可憫之情 朝廷豈以必殺爲事且宜從權撫插聽候本爵督臨查處若是陽投陰叛譎詐反覆度其事勢終難曲全則宜密切相機乘間行事務在獲厥渠魁不得濫加無罪各官務要協和行事旣無叅錯牴牾有乖共濟之義亦無貪功輕率仰戾好生之仁又經行仰各遵照施行去後今據前因看得湖兵旣至勢難中止非徒無事漫行有失遠人之信亦且師老財費重爲地方之憂但聞諸道路傳諸商旅皆謂各目投撫之誠今已甚切致亂之情尚有可原且 朝廷以好生爲德下民無必歿之讐是以本爵尚爾遲疑欲候督臨乃決進止顧傳聞未真兵難遙度各官身親其事必皆的知况原任總督雖已致政尚在統領老成慎重當無遺策若果事在不疑卽宜乘機速舉一勞永逸以靖地方如其尚有可生之道亦且無爲必殺之謀匪曰姑息將圖久安及照各處流賊

素爲民患非止一巢若用聲東擊西之術則湖兵

之來未爲徒行各官俱密切慎圖務出萬全本爵亦已扶病晝夜速進軍中事宜從便施行一面呈稟撫鎮巡按等衙門一體通行知會俱無違錯

牌諭安遠縣舊從征義官葉芳等

十一  
月

往年本爵提督南贛汀漳等處軍務因地方盜賊未平身親軍旅四出勦除爾葉芳等乃能率領兵夫來隨帳下奮勇殺賊效勞爲多後遭寧藩之變爾葉芳又能堅辭賊賄一聞本爵起調牌到當卽統領曾德禮等及部下兵衆晝夜前來遠赴國

王陽明先生全集

卷二十

公移三

六

難一念忠義誠有可嘉備歷辛苦立有戰功賞未酬勞予心慊懃嘗欲表奏爾一官以勵忠勤隨因本爵守制還家未及舉行今茲奉命總制四省軍務復臨是境看得舊時從征軍士多被忌功之徒百般屈抑心殊爲之不平念爾葉芳舊勞未酬合就先行獎勵故特差典史張縉將帶花紅羊酒親至爾家用旌爾功爾其益謹禮法以緝下人益殫忠勤以報上德省諭部下之人務要各安生理各守家業人惟不爲善未有爲善而不獲善報

者人惟不爲惡未有爲惡而不受惡殃者聞爾所居之地傍近各寨新民雖云向化其間尚多與爾爲讐爾宜高爾墻垣嚴爾警備以戒不虞爾等嘗與杜栢孫洪舜等不和各宜消釋講信修睦安集地方吾所以惓惓誨諭爾等者實念爾等辛勤從我日久吾視爾等不啻如父子雖欲已於言情有所不容已也吾今以軍機重務卽赴兩廣不得久留贛城爾等但體吾教戒之意各安室家不必遠來候見徒勞無益其曾德禮等俱各諭以此意

王陽明先生全集

卷三十

公移三

七

批南康縣生員張雲霖復學詞

看得張雲霖原係本院檄召起兵從征人數立有功次已經核實造報皆本院所親知後因忌功之徒搜求羅織遂令此生屈抑至此言之誠爲痛憤仰分巡嶺北道卽與查審教官費廷芳招案有無干涉功賞銀兩曾否收給仍行提學道收送復學則有功之士不致於抱冤憤而本生仗義勤王之節庶亦不負其初心矣 批贛縣生員雷瑞詞同

放回各處官軍牌

十二月二十五日

照得先因田州等處變亂前任軍門抽撥兩省官軍及差官取調左右兩江土官目兵前赴南寧等處駐劄聽候征剿今照各 皆來告要誠心向順已漸有平復之機且各處城池邊隘缺人防守往往來告盜賊乘間竊發亦不可不爲之慮况今春氣萌動東作方興各兵屯頓日久露眠草宿勞苦萬端應合放回爲此牌仰本官卽將軍門原調各處官軍機兵打手及各土官目兵盡數撤散放回休息及時農種防守城池惟湖廣永保二司土兵姑畱聽候俟沿途夫馬糧草完備然後發回各具由回報毋得違錯

稿諭都康等州官男彭一等

十二月二十八日

看得廣西某州縣官孫族某官男頭目某等統領土兵前來南寧賓州地方屯哨日久勞苦良多卽今歲暮天寒各兵遠離鄉土豈無室家之念故今特加犒勞通放歸復業安生本族官目務要嚴整行伍經過地方毋得侵擾人家一草一木有犯令者卽時照依軍法斬首到家之後仰本州縣官仍

要愛惜下人輯和鄰境毋得恃強凌弱倚衆暴寡  
越理踰分自取罪累遵守 朝廷法制保爾土地  
人民牌仰本州縣官執照遵守到家之日俱依准  
回報

割付永順宣慰司官舍彭宗舜冠帶聽調

據湖廣永順等處軍民宣慰使司領征冠帶舍把  
彭明倫田大有等呈稱統兵土舍彭宗舜係致仕  
宣慰彭明輔嫡生次男伊兄彭宗漢身故本舍應  
該襲替嘉靖五年宗漢奉征田州蒙軍門割付冠

王陽明先生全集

卷二十一

公移三

九

帶殺賊惟本舍見統日兵聽用又自備家丁三千  
報効切恐未授官職軍威無所瞻肅呈乞比照故  
兄彭宗漢事體授職便益等因到爵爲照軍旅之  
政非威嚴則不肅等級之辯非冠帶無以章今官  
舍彭宗舜於常調之外自備家丁隨父報効不避  
艱險勤勞 王事固 朝廷之所嘉與况又勘係  
應襲次男今以上舍領兵於體統未肅合就遵照  
勅諭便宜事理給與冠帶以備行事除事寧另行  
具奏外爲此割仰官舍彭宗舜先行冠帶望 闕

謝恩仍須秉節持身正已律下申嚴約束而使兵  
行所在無犯秋毫作興勇敢而使兵威所加有如  
破竹務竭忠貞以圖報稱功成之日具奏旌賞  
國典具存先具冠帶日期依准繳報仍行本省鎮  
巡衙門知會毋得違錯

批廣西布按二司請建講堂呈

據參政汪必東僉事吳天挺呈請建講堂號舍以  
便生員肄業事看得感於奮勵見諸生之有志作  
興誘掖實有司之盛心不有藏修之地難成講習  
之功况境接諸蠻之界最宜用夏變夷而時當梗  
化之餘尤當敷文來遠雖亦俎豆之事實關軍旅  
之機准如所議動支軍餉銀兩卽爲起蓋務爲經  
久之計毋飾目前之觀完日開數繳報

批立社學師耆老名呈

嘉靖七年正月

據思明府申稱要令土人譚勸蘇彪加以社學師  
名號鄉老黃永堅加以耆老名號看得教民成俗  
莫先於學然須誠愛惻怛實有視民如子之心乃  
能涵育薰陶委曲開導使之感發興起不然則是

未信而勞其民反以爲厲已矣據本官所申是亦良法但須行以實心節用愛民施爲有漸不致徒飾一時之名務垂百年之澤始可該道守巡官仍加勞來匡直開其不逮備行該府查照施行

議處江古諸處徭賊

節據各道哨守官兵呈報照得廣西府江古田洛容諸處徭賊日來勢益猖熾皆由近年以來大征之舉旣爲虛文而鵬勦又復絕響是以爲彼所窺肆無忌憚今思田事體漸就平息湖兵西歸有日

正可相機行事爲此牌行左布政嚴紘密切會同叅政龍請按察使錢宏副使李如圭翁素將各檢惡賊巢務訪的確密拘知因鄉道備詢我兵所由道路險夷遠近及各賊巢所在議謀既定卽可迎約湖兵決機行事要在聲東擊西後發先至但誅其罪大惡極者一處兩處其餘且可悉行寬撫容令改惡從善務在去暴除殘懲一戒百不必廣捕多殺致令玉石無分驚疑遠邇後難行事若其事勢連絡廣遠關係重大亦且不宜輕動本院尚駐

南寧彼中事機勢難遙度諒各官平日素有深謀  
沉勇秉義奮功一切機宜自能周悉近報剗平之  
獲已見用心之勤尚須後効一并奏請凡有申稟  
密切封來

批嶺西道立營防守呈

二月

據僉事李香呈稱雇募打手立營防守緣由看得  
所議旣得其要畧但屯兵固不可分而合兵又不  
宜頓必須該道及統兵官時將屯聚之兵督率於  
賊盜出沒要害往來巡視操演因而或修復營堡  
或開通道路或戒飭反側徭寨或撫安凋弊民村  
巡行慣熟遠近不疑釋其長惡不悛者間行鵬勦  
懲一戒百如農夫之植禾必逐漸而耕耨如園丁  
之去草必以次而芟除庶屯聚之兵無坐食之患  
而有日新之功矣仰備行各官查照施行

稿送湖兵

照得先該軍門奏調湖廣永順保靖二宣慰司土  
官目兵前來征剿田州等處今照各自縛歸降  
地方平靖爲照宣慰彭明輔彭九霄雖未及衝冒

矢石摧堅破敵然跋涉道途間關山海不但勞苦之備嘗且其勤事之忠赴義之勇不戰而勝全師以歸隱然之功亦不可掩所據宴勞之禮相應照舊舉行其沿途該用廩給口糧等項亦合計算總支庶免阻滯及省偏州下邑之擾爲此牌仰本官行會左叅政龍誥僉事吳天挺叅議汪必東督行南寧府於賞功綵段金銀花枝銀兩內照依開數支出齎送各宣慰并給賞各舍目收領以慰其勞仍將永保二司官舍頭目人等合用廩給口糧等

項查取見在確數各有若干亦行南寧府查自本府起至梧州府止計算幾縣每驛扣算該銀若干就於軍餉銀內支給又自梧州起至桂林府止查算縣驛若干亦就行該府支銀應付又自桂林府起照前計算至全州止銀兩亦行該府查給其各州縣止是應付人夫再不許別項科派於民仍通行南寧潯州梧州平樂桂林全州各查照單內預行整辦犒勞下程聽候各官舍月到彼分送犒勞給賞施行

批嶺西道撫處盜賊呈

看得各處盜賊全在撫處得宜綏柔有道使之畏  
威懷德歲改月化自然不敢爲惡乃爲善策雖鵬  
勅之舉亦不得已而後一行至於待其猖獗肆惡  
然後懸金以購首級之獲掩襲以求斬捕之多抑  
亦末矣今後該道官務思撫處綏柔之長策如駕  
舟之舵御馬之轡操持有要而運動由已若舍舵  
與轡而廣求駕御之術雖極工巧習熟終亦不免  
傾跌之虞一應賞罰量功大小以爲多寡軍門原  
有舊規軍職累功陞級亦有見行事例臨陣退縮  
仰遵 勅諭事理當時以軍法從事俱仰查照施  
行繳

禁革輕委職官

據廣東布政司呈叅廣州左等四衛掌印指揮王  
冕海信杜隆馮凝千戶陸宗等百戶劉愷等不修  
職業委棄城池遠出經旬肆無忌憚應合叅問叅  
看擅離職役律有明條今各處軍衛有司官徃徃  
輒因私事棄職遠出或因上司經由過爲趨諂越

境送迎往回動經旬月上下相安恬不爲異仰布  
政司通行禁革究治今後不係緊急軍機重務其  
餘問候申請等項雖亦公事勢有輕緩者止役吏  
胥差使不許輕委職官非但廩給夫馬騷擾道途  
勞費不少抑且城池庫獄一有虧失貽累匪輕各  
該衙門首領官今後俱要置立文簿凡遇掌印佐  
貳及帶俸等官公事出入俱要開記月日因某事  
到某處送迎或承何衙門到某處差委某年月日  
回任歲終繳報本院以憑查究大抵天下之不治  
皆由有司之失職而有司之失職獨非小官下吏  
偷惰苟安僥倖度日亦由上司之人不遵 國憲  
不恤民事不以地方爲念不以職業經心旣無身  
率之教又無警戒之行是以蕩弛日甚亦宜分受  
其責可矣仰布政司備行各該守巡各兵備守備  
及府州縣衛所等大小衙門仰各查照施行該衛  
掌印等官姑記未究其陸宗劉愷遵照本院欽奉  
勅諭事先行提究以警其將來此繳

照得思恩田州二府各設流官知府治以土俗其  
二府原舊甲分城頭除割田州八甲分立土官知  
府以存岑氏之後其餘悉照舊規不必開圖立里  
但與酌量分析各立土目之素爲衆所信服者以  
爲土官巡檢屬之流官知府聽其各以土俗自治  
照舊辦納兵糧効有勤勞遍加陞授其襲授調發  
必皆經由於知府其官職土地皆得各傳其子孫  
除具題外爲照各甲城頭旣已分析若不先令  
各目暫行分管誠恐事無統紀別生弊端爲此牌  
仰田州府土目龍寄等遵照後開甲分每歲應該  
納辦官糧查照開數依期完納出辦一應供役征  
調等項事情悉聽知府調度約束本目仍要守法  
奉公正已律下愛養小民保安境土毋得放縱恣  
肆踰分干紀自取罪累後悔無及候奏請命下  
仰各欽遵施行

計開 凌時甲 每年納夏稅秋糧米八十八石

八斗七升七合 每調出兵三百八十四名 每

年表箋用銀三錢二分 須知一本赴廣西用銀

一錢一分 須知二本赴京用銀八錢八分 每年納官猪等例銀一十三兩 每年納官禾四十担重一百斤 每年供皂隸禾七担

完冠若陶甲

案行廣西提學道興舉思田學校

照得田州新服用夏變 宜有學校但瘡痍逃竄之餘尚無受廛之民卽欲建學亦爲徒勞然風化之原終不可緩云云除具 題外擬合就行爲此仰抄案回道着落當該官吏備行所屬儒學遵照

上陽明先生全集

卷二十

公移三

十七

但有生員無拘廩增願改田州府學及各處儒生願附籍入學者各赴告本道徑自查發選委教官一員暫領學事相與講肄游息或興起孝弟或倡行鄉約隨事開引漸爲之兆俟休養生息一二年後該府建有學校然後將各生徒通發該學肄業照例充補增廩以次起貢俱無違錯

揭陽縣主簿季本鄉約呈

四月

據揭陽縣主簿季本呈爲鄉約事足見愛人之誠心親民之實學不卑小官克勤細務使爲有司者

皆能以是實心修舉下民焉有不被其澤風俗焉  
有不歸於厚者乎但本官見留軍門聽用該縣若  
無委官相繼督理未免一暴十寒况本院近行十  
家牌諭雖經各府縣編報然訪詢其實類是虛文  
搪塞且編寫人丁惟在查考善惡乃聞加以義勇  
之名未免生事擾眾已失本院息盜安民之意訪  
得潮州府通判張繼芳持身端確行事詳審仰該  
府掌印官將發去牌式再行曉諭所屬就委張繼  
芳遍歷屬縣督令各該縣官勤加操演務要不失  
王陽明先生全集

卷二十

公移二

七

本院立法初意仍先將牌諭所開事理再四紬繹  
必須明白透徹真如出自自己心庶幾運用皆有脉  
絡而施爲得其調理該縣鄉約仰委縣丞曹森管  
理毋令廢墮

賑給恩田二府

四月

照得近因恩田二府攘亂該前總鎮等官奏調三  
省漢土官軍兵快人等前來南寧府屯住防守軍  
民大小男不得耕女不得織而湖兵安歇之家騷  
擾尤甚今雖地方平靖湖兵已回然瘡痍未起困

苦未蘇况自三月已來天道亢旱種未入土民多  
缺食誠可憫念已經行仰同知史立誠遍查停歇  
湖兵之家兩報相應量行賑給爲此牌仰南寧府  
着落當該官吏專委同知史立誠即將十名以上  
七十一家各給米二石鹽魚二十觔五名以上三  
百五十六家各給米一石三斗鹹魚十三觔五名  
以下四百五十四家各給米一石鹹魚十觔就於  
該府軍餉米魚內支給開報其餘大小軍民之家  
諭以本院心雖無窮而錢糧有限各宜安心生理  
日雖不足而方之兵戈擾攘之時則有餘矣

牌行靈山縣延師設教

六月

看得理學不明人心陷溺是以士習日偷風教不  
振近該本院久駐南寧該府及附近各學師生前  
來朝夕聽講已覺漸有奮發之志但窮鄉僻邑本  
院既未服身至其地則諸生亦何由耳聞其說今  
行委官遍行訓告看得原任監察御史今降合浦  
縣丞陳拓理學素明志存及物見在軍門相應差

委除行本官外爲此牌仰靈山縣當該官吏即便具禮敦請本官於該縣學安歇率領師生朝夕考德問業務去舊染卑汚之習以求聖賢身心之功該縣諸生應該赴試者臨期起送不該赴試者如常朝夕聽講或時出與經書策論題目量作課程不得玩易怠忽虛應故事須加時敏之功庶有日新之益該縣仍要日逐供給薪水之類候該縣掌印官應朝之日本官不妨訓迪諸生就行兼署該縣印信

王陽明先生全集

卷二十

公移三

三

牌行委官陳迨設教靈山

看得理學不明云云除行廉州府及所屬縣外牌仰本官即便前去該府及所屬縣行各掌印官召集各該縣師生通行開導訓告務行立志敦本求爲身心之學一洗舊習之陋度量道里折中處所於靈山縣儒學仕歇令各縣師生可以就近聽講其諸生該赴試者臨期起送不該赴試者如常朝夕聚會考德問業母令一暴十寒虛應文具亦或時出經書策論題目量作課程就與講析文義以

無妨其舉業之工大抵學絕道喪之餘人皆駭於  
創聞必須包蒙俯就涵育薰陶庶可望其改化諒  
本官平日素能孜孜汲引則此行必能循循善誘  
該縣掌印官應朝之日本官不妨訓迪諸生就行  
兼署該縣印信待後縣官應朝回日方許交還

牌行南寧府延師設教

看得理學不明人心陷溺是以士習益偷風教不  
振近該本院久住南寧與該府縣學師生朝夕開  
導訓告頗覺漸行興起向上之志本院又以八寨

王陽明先生全集

卷二十一

公移三

三十一

進兵前住州等處調度則興起諸生未免又有  
一暴十寒之患看得原任監察御史今降揭陽縣  
主簿季本久抱溫故知新之學素有成已成物之  
心卽今見在軍門相應委以師資之任除行本官  
外仰南寧府掌印官卽便具禮率領府縣學師生  
敦請本官前去新創敷文書院闡明正學講析義  
理各該師生務要專心致志考德問業毋得玩易  
怠忽徒應虛文其應該赴省考試者扣算程期臨  
時起送不該赴試者仍要如常朝夕質疑問難或

時出真經書題目量作課程務加時敏之功以求日新之益該府縣仍要日逐量送柴米供給

牌行委官季本設教南寧

看得理學不明人心云云除行該府掌印官率屬敦請外仰本官就於新創敷文書院內安歇每日拘集該府縣學諸生爲之勤勤開誨務在興起聖賢之學一洗習染之陋其諸生該赴考試者臨期起送不該赴試者如常朝夕聚會考德問業之外或時出與經書論策題目量作課程就與講析文

王陽明先生全集

卷二十

公移三

三

義以無妨其舉業之功大抵學絕道喪之餘未易解脫舊聞舊見必須包蒙俯就涵育薰陶庶可望其漸次改化諒本官平素最能孜孜汲引則今日必能循循善誘諸生之中有不率教者時行檟楚以警其惰本院回軍之日將該府縣官員師生查訪勤惰以示勸懲

批嶺東道額編民壯呈

六月

據嶺東道巡守官呈議將各額編民壯存留照舊守城并追工食雇募打手調用看得本院自行十

家牌式若使有司果能着實舉行則處處皆兵家  
家皆兵人人皆兵防守之備既密則追捕之兵自  
可以漸減省以節民財以寬民力但今有司類皆  
視爲虛文未會實心修舉一旦遂將額設民壯三  
分減一則意外不測之虞果亦有如各官所呈者  
合且姑從所議將各民壯照舊存留備行該道所  
屬查照施行仍仰各官務要用心舉行十家牌式  
不得苟且因循惟事支吾目前徒倚繁難自弊之  
術以爲上策反視易簡久安之法以爲迂緩噫果  
有愛民之誠心處官事如家事者其忍言者之諄  
諄而聽之乃爾其藐藐耶凡我各官戒之敬之此  
繳

王陽明先生全集

卷二十

公移二

三三

裁革文移

據布政司呈今後但有牌案行屬者則於備仰語  
後止令奉行官吏具遵行過緣由回報看得近來  
官府文移日煩如造冊依准等項果係徒勞徒費  
虛文無補本院欲革此弊久矣因軍務紛剝未及  
舉行據呈前因可謂先得我心之同然者自今事

關本院除例該奏報及倉庫錢糧金帛贓罰紙價  
預備稻穀等項仍於每歲終開項共造手冊一本  
送院查考外其餘一應不大緊要文冊及依准等  
項通行裁革從務簡實以省勞費凡我有官皆要  
誠心實意一洗從前靡文粉飾之弊各竭爲德爲  
民之心共圖正大光明之治通備行各該衙門查  
照施行繳

批右江道調和寨目呈

據副使翁素呈湖潤寨目兵徑赴鎮安取調准議

王陽明先生全集

卷二十

公移三

三

備出印信下帖給與該府該司各永永執照以杜  
後爭湖潤旣已自知原屬鎮安自此必益供事大  
之職鎮安旣欲自求仍統湖潤自此必益施字小  
之仁須要誠心協和庶可永絕禍患若徒迫脇矯  
誣於一時終必反覆變亂於日後此乃自取滅亡  
後悔何及仰各知悉遵照毋違此繳

批南寧府表揚堯哲申

據南寧府申稱北門外高嶺原有廟宇以祠宋樞  
密使狄武襄公青經畧使余公靖樞密直學士孫

公沔邕州太守忠壯蘇公緘推官忠愍譚公必緣  
年久傾頽止存基址今思田旣平所宜修復以繫  
屬人心以聳示諸 看得表揚先哲以激勵有位  
此正風教之首况舊基猶存相應修復准支在庫  
無礙官銀重建祠宇其牌位祭物等項照舊修舉  
完日具由回報此繳

批增城縣改立忠孝祠申

據增城縣申稱參得廣東叅議王綱字性常洪武  
年間因靖潮寇父子貞忠大孝合應崇祀於城南

王陽明先生全集

卷二十

公移三

三五

門外天妃廟改立忠孝祠看得表揚忠孝樹之風  
聲以興起民俗此最爲政之先務而該縣知縣朱  
道瀾乃能因該學師生之請振舉廢墜若此則其  
平日職業之修志向之正從可知矣仰行該縣悉  
如所議施行其神像牌位及祭物等項俱聽從宜  
酌處完日具由回報此繳

批叅政張懷奏留朝覲官呈

據左叅政張懷所呈憫念兵荒欲留府縣正官足  
見留心地方但今歲應 朝事體頗重 朝廷勵

精圖治必有維新之政各該正官正宜一行以快  
觀感似難通行奏留仰各照例依期起程况該道  
守巡旣得賢能官員各肯憂勞盡心若此各府州  
縣雖無正官其各佐貳亦必警戒修省自堪驅策  
其間果有闕冗不才不任委寄者該道卽行別委  
相應官員署管仰卽通行查照施行毋再疑滯繳

經理書院事宜

八月

據僉事吳天挺呈稱將南寧城東西二壕花利通  
收府庫支與書院師生應用剩銀修理仍置教官

王陽明先生全集

卷二十

公務三

三六

私宅號房以爲定規看得所呈事宜足見該道官  
留心學校興起士習之美意俱准照議施行但事  
無成規難垂久遠而管理非人終歸廢墜該道仍  
須置立文簿將區處過事宜逐件開載給付該府  
縣學及管理書院官各收一本存照相繼查考舉  
行以防日後埋沒侵漁之弊仍於各教官內推舉  
學行端方堪爲師範者呈來定委專管書院諸務  
訓勵諸生庶幾法立事行人存政舉而今日書院  
之設爲不虛矣仍行提督學校官知會一體查督

舉行及備行該府縣學官吏師生查照施行俱毋  
違錯此繳

牌行南寧府延師講禮

八月

照得安上治民莫善於禮冠婚喪祭諸儀固宜家  
諭而戶曉者今皆廢而不講欲求風俗之美其可  
得乎况茲邊方遠郡土 錯雜頑梗成風有司徒  
事刑驅勢迫是謂以火濟火何益於治若教之以  
禮庶幾所謂小人學道則易使矣近據福建莆田  
儒學生員陳大章前來南寧遊學進見之時每言

王陽明先生全集

卷二十

公移三

二十七

及禮因而扣以冠婚鄉射諸儀果亦頗能通曉看  
得近來各學諸生類多束書高閣飽食嬉遊散漫  
度日豈若使與此生朝夕講習於儀文節度之間  
亦足以收其放心固其肌膚之會筋骸之束不猶  
愈於博奕之爲賢乎爲此牌仰南寧府官吏卽便  
館穀陳生於學舍於各學諸生之中選取有志習  
禮及年少質美者相與講解演習自此諸生得於  
觀感興起砥礪切磋修之於其家而被於里巷達  
於鄉村則邊徼之地自此遂化爲鄒魯之鄉亦不

難矣諸生講習已有成效該府仍要從厚措置禮幣以申酬謝仍備山差人送至廣西提督學校官以次送發各府州縣一體演習其於風教要亦不爲無補

剏付同知林寬經理田寧

照得思田二府平復議將田寧府改設流官見今無官管理看得化州知州林寬才識通敏幹辦勤勵本爵巡撫江西知其可用近因改建府治修復城垣已經委令經理卽若陞以該府同知而使久

孟陽明先生全集

卷二十

公移三

三

於其職必有可觀已經具題奉有 明旨續該本院看得南寧自宣化縣至於田寧並流十日之程其間錯以土 村寨奸獍百出本爵近因躬撫南寧思籠諸圖鄉民擁道控告願立縣治因爲經理相度得村名那久者寬平深厚江水縈迴居民千餘家竹樹森鬱且向武各州道路皆經由其傍亦爲四通之地堪以設立縣治屬之田寧亦足以鎮據要害消沮盜賊又經具 題外爲照新陞知府張鉞尚未到任合就剏仰本官卽便管理府事撫

緩日民其修築城垣廨宇及那久新立縣治等項  
事宜公同各該委官用心督理務在修築堅固工  
程早完以圖經久候知府張敏到任仰本官專督  
思龍縣治務要清查所割圖里錢糧明白毋令奸  
民飛詭影射致貽紛爭本官素有才識志在建功  
立業况奉 新命擢佐專城遠近士日人等側耳  
注目思有維新之政本官務要竭心彈力展布才  
猷以仰荅 朝廷之恩俯慰下民之望中無負於  
軍門之委託如其因循玩愒竊事廢功不但身名  
毀辱抑且罪責難逃

王陽明先生全集

卷二十

公移三

五九

劄付同知桂鏊經理思恩

照得思田二府平復已經具題將柳州府同知桂  
鏊經理思恩府事休勞息困當有所濟續該本爵  
看得岑濬新移府治昔斬山絕壁如處戈矛劍戩  
之中况瘴霧昏塞薄午始開本爵近因督剿八寨  
親往相度看得地名荒田寬衍膏腴可以建府治  
而上林縣地名三里者乃在八寨之間其地多良  
田茂林村落相望堪以移設鳳化縣治置築城垣

解宇招撫逃亡可以成一方之保障仍將上林一縣通割以屬思恩似於事勢爲便等因又經具題外爲照署掌府印遷築府城新創縣治及蓋解宇等項皆不可缺入督理合就劄仰本官卽便星馳前去思恩府署掌印信撫綏目民其遷築府城於荒田移設縣治於三里及創建解宇等項一應事宜公同各該委官用心督理云云如其因循玩愒隳事廢功豈徒身名毀辱兼亦罪責難逃

牌行南昌府保昌縣禮送故官

王陽明先生全集

卷二十

本移三

三十一

照得保昌縣縣丞杜洞久在軍門管理軍賞清介自持賢勞茂著郡屬之中實爲翹然今不幸病故使人檢其行橐蕭然無以爲歸殯之資殊可傷悼今尋常故官小吏無洞一日之勞者猶且有水手殯殮之例况洞從征惡寇跋涉險阻衝冒瘴毒又且平日才而且賢所謂以死勤事者矣焉可以不從厚待之是賢不肖畧無所辨也爲此牌仰本府官吏卽於庫貯無礙官錢內給與水夫二名棺殮銀十兩就行照例起關應付船隻腳力查照家屬

名數給與口糧務要從厚資送還鄉開報及仰保  
昌縣官吏即便僉撥長行水手二名棺殮銀二十  
兩及將本官應得俸糧馬夫銀兩照數支給交付  
伊男及差的當人役護送還鄉毋致稽悞

調發土兵

十月

照得各州土兵征調頻數本非良法非但耗費竭  
財抑且頓兵剉銳必須各州輪年調發一以省供  
饋之費一以節各兵之勞庶幾土人稍有休息之  
期而官府亦獲精銳之用已經行仰該司遵照備  
行南丹州官族莫振亨卽就揀選勇敢精銳目兵  
三千名躬親統領照依尅定日期前赴廣西省城  
聽調殺賊果能輸忠報効立有奇功卽與具

送

准襲該州官職自今八月初一日爲始至下年八  
月初一日止却調東蘭州土兵依期更替自今各  
州目兵軍門斷不輕易調發致令奔波勞苦亦決  
不姑息隱忍縱令驕惰玩弛但有稽抗遲悞違犯  
節制輕則量行罰治重則拏究革去寇帶又重則  
貶級削地又重則舉兵誅討斷不虛言通行各土

官兵日知悉俱仰改心易慮母蹈前非自貽後悔  
去後今據所呈爲照本院軍令旣出難再輕改失  
信下人但本官呈稱鵬剿缺兵固亦一時權宜况  
稱原係本州先年自願報効不在秋調之數亦合  
姑從所請暫准取調爲此牌仰本官即便會同鎮  
守太監傅倫行仰該州土官韋虎林照數精選目  
兵前赴省城聽各官調遣剿賊待三兩月間事畢  
隨卽撤放回州遵照軍門批行事理依期更班聽  
調不許久留失信其所呈鵬剿事宜悉聽會同三  
行總鎮總兵鎮巡等衙門知會

犒獎儒士岑伯高

照得思田之亂上厯九重命將出師動調四省  
軍馬錢糧洵洵兩年功未告成而變日不測本院  
前來勘處是固仰賴皇上好生之仁格於天地  
至誠動物不疾而速是以宣布威德而旬月之  
間諸卽爾革心向化翕然來歸然而奔走服役

固有効勞於下者其間乃有深謀秘計之士潛開  
默導以會合事機其功隱而難見此惟主將知之  
功成行賞是所謂首功者也照得儒士岑伯高素  
行端介立心忠直積學待時安貧養母一毫無所  
苟取而人皆服其廉一言不肯輕發而人皆服其  
信遊學橫州南寧之間遠近士夫及各處土官士  
莫不聞風向慕仰其高節本院撫臨之初卽用  
此生使之深入諸 侏布 朝廷之德下宣本院  
之誠是以諸 孚信之速至於如此本生實與有

力焉當時平復奏內卽欲具列本生之功而事變  
方息深謀秘計未欲張布於諸 且本生志在科  
第發身不肯異途苟進堅辭力請本院不欲重違  
雅志遂爾未及奏列今思田旣已大定凡有微勞  
於茲役者莫不開列而本生之功泯然未表其於  
報功勵忠之典誠有未當仰抄案回司卽於軍餉  
銀內動支一百兩及置買彩幣羊酒禮送本生以  
見本院慰賞犒勞之意仍仰遵本院欽奉 勅諭  
便宜事理給與軍功冠帶以榮其身該司仍備給

劄付執照并行原籍官司以禮優待免其雜泛差徭明 朝廷賞功之典彰軍門激勵之道既以遂其養母之願且以遂其高尚之心是後本生志求科第其寇帶自不相妨仍行兩廣總鎮總兵鎮巡等衙門知會

征勦八寨斷藤峽牌

七年三月  
以下俱征八寨

據留撫田州思恩等處地方右布政使林富原任副總兵都指揮同知張祐連名呈稱田州思恩平復居民悉已各安生理土 亦皆各事農耕地方

王陽明先生全集

卷二十

公移三

三四

實已萬幸惟八寨羅賊云云合就仰遵 勅諭事理量撥官兵協同盧蘇王受等土兵分路進勦除差官舍賚捧令旗令牌分投督押土兵本院親至賓州思恩等處相機調度而授方略外爲此牌仰右布政使林富副總兵張祐即便統領官軍督發土目盧蘇王受等兵夫從公堯思恩取路進勦後開寨分務要聲言各賊累年殺害良民攻劫州縣鄉村之罪殲厥渠魁及其黨與罪惡顯著者明正天討以絕禍根除臨陣擒斬外其餘脇從老弱一

切皆可宥免今茲之舉惟以定亂安民爲事不以  
黷武多獲爲功各官務要仰體 朝廷憂憫困窮  
之心俯念地方久遭盜賊屠戮之苦督各官兵目  
兵人等務殲真正惡目一洗民冤永除民患以靖  
地方仍禁兵馬所過鄉村毋得侵擾民間一草一  
木有犯令者仰卽遵本院欽奉 勅諭事理當卽  
處以軍法俱毋有違節制方畧自取罪戾

牌行領兵官

牌行左叅將署都指揮僉事張經會同該道守巡

王陽明先生全集

卷二十

公移三

三五

守備官及湖廣督兵僉事汪濬都指揮謝珮督永  
順宣慰彭明輔統兵進剿牛腸諸賊云云及監都  
保靖宣慰彭九霄統兵進剿六寺磨刀等寨諸賊  
云云未至信地三日之前停軍中途候約叅將張  
經與同守巡各官集議先將進兵道路之險易遠  
近各巢賊徒之多寡強弱及所過良民村分之經  
由往復面同各鄉道人等逐一備細講究明白務  
要彼此習熟通曉若出一人然後尅定日時偃旗  
息鼓寂若無人密至信地乘夜速發務使迅雷不

及掩耳將各稔惡賊魁盡數擒勦以除民害以靖  
地方除臨陣斬獲外其餘脇從老弱一切皆可宥  
免今茲之舉惟以定亂安民爲事不以多獲首級  
爲功各官務要仰體 朝廷憂憫困窮之心俯念  
地方久罹荼毒之苦仍要禁約軍民人等所過良  
民村分毋得侵擾一草一木有犯令者當以軍法  
斬首示衆本官既有地方責任兼復素懷忠義當  
茲委用務竭心力大展才猷以祛患安民一應機  
宜牌內該載不盡者聽公同各官計議從便施行

王陽明先生全集

卷二十

公移三

三

一面呈報事完之日通將獲過功次開報紀功御  
史衙門紀驗以憑奏報仍密行總鎮鎮巡等衙門  
知會俱毋違錯

戒諭土目

五月

案照先經行委副總兵張祐督率官土目兵人等  
進勦思恩八寨擒賊今據頭目盧蘇王受等稟報  
皆已攻破各寨斬獲賊級雖未日久苦亦無多且  
又未見獲有真正首惡中間恐有容隱脫放情弊  
合行戒諭督促爲此牌仰本官上緊親行督諭各

頭目及土兵人等俱要協力齊心竭忠報効務圖  
勦滅以絕禍根庶可以表明各目盡忠圖報之真  
心若是少有縱容復留遺孽亦是徒勞一場不足  
爲功適足爲罪非惟不能仰報 朝廷再生之恩  
其於本院所以勤勤懇懇不顧利害是非務要委  
曲成就爾等之意亦辜負矣牌至卽以此意勉諭  
各目各兵此舉非獨爲除地方之害亦爲爾等建  
子孫久長之業盡此一番辛苦便可一勞永逸矣  
發去良民旗榜可給則給可止則止一應事機俱  
仰相機而行其號色等項已付恩田報効人役徑  
自帶回分俵亦宜知悉

追捕逋賊

據同知桂鏊稟報領兵土目盧蘇王受等各已屯  
兵八寨斬獲賊首賊從數多巢穴悉已破蕩卽今  
方在分兵四路搜勦及稱附近上林縣一十八村  
俱搬移上山躲避又訪得鐵坑那埋二堡賊村界  
連遷江洛春高徑大潘思盧北三向北 獐村分  
今皆逃往潛住又訪得八寨賊徒我兵未進之前

陸續出劫鄉村今皆不敢回巢散入賓州淥里并  
貴縣涼傘疊紙等 獐村分藏躲合行分兵搜捕  
等因看得八寨匪賊稔惡多年攻劫鄉村殺害人  
民擄掠財畜百姓怨恨痛入骨髓今惡貫滿盈民  
怨神怒巢穴破蕩分崩離析如夫林之梟投罟之  
兔迷魄喪魂正可蒐獵而盡是乃上天欲亡此賊  
之秋若不乘此機會奉行 天討以雪百姓之冤

以舒人神之怒以除地方之禍存其遺孽復爲他  
日根芽此豈爲民父母之心乎及訪得平日哨守

平陽明先生全集

卷二十

公移三

三

八寨官兵人等往往與賊交通者據法俱應明正  
典刑今且姑未拏究容其殺賊報効立功自贖除  
各差官督勦外爲此牌仰指揮程萬全督率遷江  
所土官指揮黃祿千戶黃瑞百戶凌顯等各起集  
管下土兵人等前去北三思盧等處搜捕各賊仍  
行曉諭各良善向化村寨務將逃躲各賊盡數擒  
斬以泄軍民之憤獲功解報一體給賞若是與賊  
通謀容留隱蔽訪究得出 國憲難逃如是各賊  
果有誠心悔罪願來投撫立功報効者亦准免其

一死帶來軍門無論安插各官務要盡忠竭力上  
報 國恩下除民患副軍門之委託立自己之功  
名仍督平日與賊交通之人令其向道追捕痛加  
懲改及此機會立功自贖果能奮不顧身多獲真  
正惡賊非但免其既往之罪抑且同受維新之賞  
若猶疑貳觀望意圖苟免定行斬首示衆斷不虛  
言本院數日之後亦且親臨地方躬行賞罰仰各  
士緊立功毋自取悔

牌行委官林應驄督諭士目

五月

看得田州思恩領兵頭目盧蘇王受等所領目兵  
皆係驍勇慣戰之人今又各爲身家子孫之計自  
願出力報効立功贖罪旣已攻破賊巢分屯其地  
則其搜捕潰散之賊當如探囊取物數日可盡今  
已半月有餘尚未見有成功氣勢日見委靡此必  
軍中收有賊巢婦女等項貪戀女色財物不肯割  
舍脫離奮勇殺賊苟且偷安遂至兵氣日衰軍威  
不振若諸賊聞此消息乘此懈怠掩襲不備我軍  
必致撓敗如此則是各目此舉本欲立功而反敗

事本欲贖罪而戶部增罪非惟不能仰報 朝廷之德抑且有損軍門之威矣正名定罪後悔何及爲此牌仰原任戶部郎中今降徐聞縣縣丞林應驄齊執 令旗令牌會同總兵監軍等官公同署田州府事知州林寬身督領兵頭目盧蘇等閱視各營但有收得賊巢婦女財物者通行搜出俱各開紀名數別立老營一所選委老成頭目另撥謹實小心兵夫晝夜管守將各貪戀女色財物不肯奮勇殺賊頭目兵夫姑且免其罰治責令卽出搜山果能多有擒斬旬日之內功成班師仍將前項婦女財物照名給還亦不追究前罪若有貪戀女賊違犯軍令仍前不肯効力者仰卽遵照軍門號令當時斬首示衆斷毋姑息容忍致敗三軍大事蓋前日之招撫專以慈愛惻怛爲念者乃是本院憐憫兩府之民無罪而就死地乃是父母愛子之心惟恐一民不遂其生也至於今日用兵却須號令嚴明有功必賞有罪必戮者乃是本院欲安兩府之民使之立功贖罪以定其身家而因以除去地

方之患是乃帥師行軍之道不如此不足以取勝而成功也差去旗牌官員務要星火催督母事姑息若旬日之後再無成功本院親臨分地定先將監軍督軍等官明正軍法其推奸避事不肯奮勇殺賊頭目通行斬首決不虛言

牌委指揮趙璇留勦餘賊

六月

牌仰指揮趙璇前去督哨副總兵張祐處查審各寨稔惡淫賊會否勦絕各兵見住何處聞已出屯三里你就各營士兵目夫凡有疾病老弱者俱令

王陽明先生全集

卷二十一

八移三

聖

在營將息調理其精壯驍勇目兵仍仰本官務要三四日或五六月督令入山巡勦一番出意外之奇以示不測之武須候各山果無潛遁之奸各巢已無復歸之賊俟軍門牌至方許回兵仍諭土目盧蘇王受等以如此炎毒天氣如此暑雨連綿各兵久在山中辛勤勞苦本院非不憐倦憂念但一則欲爲爾等立功一則欲爲地方除害心雖不忍久勞爾等而勢有所不能已也爾等其務體本院之意再耐旬日之苦以成百年之功毋得欲速一

將致貽後悔事完之日通至賓州本院親行犒賞  
就領牌劄仰各知悉

牌行副總兵張祐搜勦餘巢

七月

訪得上林相近地方如淶茅等村皆係陽招陰叛  
與八寨諸賊裹應外合積年流毒地方卽其罪惡  
尤有甚於八寨諸賊若不勦滅終遺禍根爲此今  
差指揮趙璇齎牌前去督哨副總兵張祐處計議  
仰卽密召領兵頭目盧蘇王受等令各挑選精兵  
一千或一千五百以搜巡八寨爲名當日乘夜速

王陽明先生全集

卷二十一

公務二

聖

發分道夾勦後開各賊村分務要殲除黨與蕩平  
巢穴若是各賊奔竄大名深山各兵就可留屯其  
地食其禾米六畜分兵探賊向往追捕本院先會  
發有武緣鄉兵分搜大名諸山遙計此時各賊正  
回山下各村躲住及今往勦正合事機仰諭各目  
務要潛機速發不得遲留隔宿必致透漏消息徒  
勞無功發兵進勦之後一面差人飛報

計開

綠茅

通親

綠小

批頭

羅煖

其

餘各巢不能盡開須要量其罪惡大小可勦則勦

可撫則撫相機而行

犒勞從征土目

八月

照得思田二府頭目盧蘇王受等率領部下兵夫自備衣糧征勦八寨猺賊渠魁殄滅群黨削平卽今地方寧靖旋師 奏凱實由各目兵夫不避炎蒸奮勇効勞但進兵以來妨廢一年耕種况今青黃不接之時部下兵夫家屬未免缺乏相應量爲賑給以慰人心爲此牌仰同知桂整卽便會同南寧府掌印官將該府軍餉糧米魚鹽內照依開數

王陽明先生全集

卷二十

公移三

四十五

支給各頭目收領但念思恩南寧道里相去隔遠糧米搬運不便合就於武緣縣見貯軍餉米內支給與各領用以見本院體恤之心仍開給散過數目繳報查考毋得違錯

綏柔流賊

五月

據左江道叅議等官汪必東等呈稱古陶白竹石馬等賊近雖誅勦然尚有流出府江諸處者誠恐日後爲患乞調歸順土官岑獻兵一千名萬承龍英共五百名或韋貴兵一千名住劄平南桂平

要地方及該府知府程雲鵬等亦由呈留湖兵及  
滿武靖州狼兵防守等因始觀論議似亦區畫經  
久之圖徐考成功終亦支吾目前之計蓋用兵之  
法伐謀爲先處 之道攻心爲上今各徭征勦之  
後有司卽宜誠心撫恤以安其心若不服其心而  
徒欲久留湖兵多調狼卒憑藉兵力以威劫把持  
謂爲可久之計則亦末矣殊不知遠來客兵怨憤  
不肯爲用一也供饋之需稍不滿意求索訾詈將  
無抵極二也就居民間騷擾濁亂易生讐隙三也

王陽明先生全集

卷二十

公移三

四

困頓日久資財耗竭適以自弊四也欲借此以衛  
民而反爲民增一苦欲借此防賊而反爲吾招一  
寇各官之意豈不虞各賊乘間突出故欲振揚兵  
威以苟幸目前之無事抑亦不睹其害矣前歲湖  
兵之調旣已大拂其情乃今復欲留之其可行乎  
夫刑賞之用當而後善有所勸惡有所懲勸懲之  
道明而後政得其安今稔惡各徭舉兵征勦刑旣  
加於有罪矣然破敗奔竄之餘卽欲招撫彼亦未  
必能信必須先從其傍良善各巢加厚撫恤使爲

善者益知所勸而不肯與之相連相比則黨惡自孤而其勢自定使良善各巢傳道引諭使各賊咸有回心向化之機然後吾之招撫可得而行而凡綏懷御制之道可以次而舉矣夫柔遠人而撫戎謂之柔與撫者豈專恃兵甲之盛威力之強而已乎古之人能以天地萬物爲一體故能通天下之志凡舉大事必順其情而使之因其勢而導之乘其機而動之及其時而興之是以爲之但見其易而成之不見其難此天下之民所以陰受其庇而莫知其功之所自也今皆反之豈所見若是其相遠乎亦由無忠誠惻怛之心以愛其民不肯身任地方利害爲久遠之圖凡所施爲不本於精神心術而惟事補轆掇拾支吾粉飾於其外以苟幸吾身之無事此蓋今時之通弊也合就通行計處仰抄案回道卽行知府程雲鵬公同指揮周胤宗及各縣知縣等官親至已破賊巢各鄰近良善村寨以次加厚撫恤給以告示犒以魚鹽待以誠信敷以德恩喻以朝廷所以誅勦各賊者爲其稔

惡不峻若爾等良善守分村寨我官府何嘗輕動爾等一草一木爾等各宜益堅向善之心毋爲彼所扇惑搖動從而爲之推選衆所信服立爲酋長以連屬之優其禮待厚其犒賞以漸綏來調習使之日益親附又喻以稔惡各賊彼若不改一征不已至於再再征不已至於三至於四五至於六七必使滅絕而後已此後官府若行勦除爾等但要安心樂業無有驚疑若各賊果能改惡遷善實心向化今日來投今日卽待以良善卽開其自新之路決不追旣往之惡爾等卽可以此意傳告開諭之我官府亦未嘗有必欲殺彼之心若彼賊果有相引來投者亦就實心撫安招來之量給鹽米爲之經紀生業亦就爲之選立酋長使有統率毋令渙散一面清查侵占田土開立里甲以息日後之爭禁約良民毋使乘機報復以激其變如農夫之植嘉禾而去莠莠深耕易耨芸蒨灌溉專心一事勤誠無惰必有秋穫夫善者益知所勸則助惡者日衰惡者益知所懲則向善者益衆此撫柔之道

而非專有恃於兵甲者也至於本院近行十家牌  
諭誠亦弭盜安民之良法而今之有司槩以虛文  
抵塞莫肯實心推求舉行雖已造冊繳報而尚不  
知其間所屬何意所處地方該道仍要用心督責  
整理誠使此法一行則不待調發而處處皆兵不  
待屯聚而家家皆兵不待蓄養而人人皆兵無餽  
運之勞而糧餉足無關隘之設而守禦固習之愈  
久而法愈精行之彌廣而功彌大其前項區處摘  
調之兵有虛名而無實用可張皇於暫時而不可

王陽明先生全集

卷二十

公移三

聖

施行於永久者勞逸煩簡相去遠矣惟有據該府  
議欲散撤雇倩機快等項調取武靖州土兵使之  
就近防守一節區畫頗當然以三千之衆而常在  
一處屯頓坐食亦未得宜必須分作六班每五百  
名爲一班每兩箇月日而更一次若有鵬勦等項  
然後通行起調然必須於城市別立營房毋使與  
民雜處然後可免於騷擾嫌隙蓋以十家牌門之  
兵而爲守土安民之本以武靖起調之兵而備追  
捕勦截之用此亦經權交濟相須之意合就准行

仰該道仍將行糧等項再議停當備行該州土目人等遵照奉行自今以後免其秋調各處哨守等役專在潯州地方聽憑守備叅將調用凡遇緊急調取卽要星馳赴信地不得遲違時刻守巡各官仍要時加戒諭撫輯毋令日久玩弛又成虛應故事本院疎才多病精力不足不能躬親細務獨其憂患地方欲爲建立久安長治一念真切自不能已是以不覺其言之叨叨各官務體此意毋厭其多言而必務爲紬繹毋謂其迂遠而必再與精思務竭其忠誠務行其切實同心協德共濟時艱通行總鎮總兵鎮巡等衙門知會仍行三司各道守巡守備等官事有相類者悉以此意推而行之發去魚鹽或有不足再行計處定奪

### 告諭村寨

近因牛腸等寨積年稔惡是以舉兵征勦爾等良善村寨我官府自加撫恤決無侵擾各宜益堅爲善之心共享太平之樂其間平日縱有罪犯從今但能中心改過官府決不追論舊惡毋自疑沮或

爲彼所扇惑自取滅亡後悔無及就使已勦餘黨  
果能悔罪自新官府亦待以良善一體撫恤若是  
長惡不悛一勦十勦至於百勦必加殄滅斷不虛  
言爾等各寨爲善爲惡日後自見各宜知悉

議立縣衛

看得八寨猛賊稔惡爲患巢穴連絡千里實爲廣  
西衆賊之淵藪近該本院進勦掃蕩巢穴若不及  
今設置軍屯衛縣據其心腹要害以阨塞各賊呼  
吸之咽喉斷絕各賊牽引之脈絡不過數年又將

王陽明先生全集

卷二十

公移三

兪

屯聚生息禍根終未翦除本院身親督調各兵看  
得周安堡正當八寨之中而三里堡亦當八寨之  
隘俱各山勢回抱堪以築立城郭移衛設縣但未  
經廣詢博訪詳審水土之善惡民情之逆順中間  
有無利害得失擬合再行查訪爲此牌仰分巡右  
江道兵備副使翁素會同該道分守官即便督同  
同知桂鏊指揮孫綱等帶領高年知識親至其地  
經營相度若果風氣包完水土便利卽行料理規  
制景定方向各另畫圖貼說仍要咨訪父老子弟

通曉賊情習知民俗者卽今移立衛縣其於四遠  
賊巢果否足能控制民情有無便益妨損務在人  
心樂順足爲經長永久之計然後備由呈來以憑  
會奏就將築立城垣合用木石甄灰人夫匠作料  
價工食等項議估停當具揭呈來以憑先行一面  
委官分督辦理及時興工毋得忽意苟且玩愒遲  
延致悞事機

撫恤來降

八月

據叅將張經呈稱武靖州耕守黃璋等一十四名

毛陽明先生全集

卷二十

公移三

五

被十冬總甲黃鄧護等妄捏窩賊乞行釋放仍給  
榜諭看得本院屢經牌仰該道該府等官將各向  
化良善村寨加意撫恤懷柔以收其散亡之勢而  
堅其向善之心庶使遠近知勸而惡黨自孤各官  
畧不體承本院勤勤懇懇之意肆志妄行輕信十  
冬奸民之言輒便推求徃事爲之報復舊讐沮抑  
歸向之望驚疑反側之心聽其所爲必成激變後  
雖寸斬奸民之骨固亦何救地方之患所據違法  
各官卽合治以軍法姑且記罪再行飭諭你將見

監黃璋李舉等一十四名卽行釋放仍加慰諭令其復業寧家其十冬黃鄧護等監候本院撫臨解赴軍門發落今後仍要備細開諭該府該縣十冬里老人等各要守法安分務以寧靖地方爲重不得乘機挾勢侵剝新舊投撫之人賂取財物泄憤報怨及至釀成變亂却又貽累地方勞煩官府今後有違犯者體訪得出或被入告發決行拿赴軍門治以軍法斷不輕恕仍將發去告示卽行刊刻給赴十冬里老人等遵照奉行具遵行過緣由繳

王陽明先生全集

卷二十

公移三

手

報

批嶺西道議處兵屯事宜呈

據僉事李香呈看得財匱於兵冗力分於備多此是近日大弊相應議處所呈打手且不必添募仰將該道屯哨分布打手通行查出大約具有若干再加精選去其劣弱大約共得驍勇若干及查某處屯堡可裁某處關隘可革大約共用打手若干某哨堪備操演分聚開闢若何而力不分若何而財不費若何而免於屯兵坐食若何而可以運謀

出奇謀道會  
通融斟酌務求簡易可久之道呈來施行

行左江道勦撫仙臺白竹諸猺

照得白竹古陶羅鳳仙臺花相石馬等巢諸賊皆稔惡多年在所必誅已經牌仰各官督兵進勦近據叅將張經續稟仙臺花相石馬等猺一月之前皆各出投撫願給告示從此不敢爲惡看得各猺投撫誠僞雖未可料但既許其改惡若復進兵襲勦未免虧失信義無以心服蠻亦合暫且寬宥

王陽明先生全集

卷二十一

公移三

五

容其舍舊圖新其白竹古陶羅鳳等賊負險桀驁略無忌憚仰左江道守巡守備等官叅議汪必東僉事吳天挺叅將張經會同湖廣僉事汪濂都指揮謝珮督同各宣慰等官俟牛腸等處事完之日卽便移兵進勦白竹古陶羅鳳諸賊其領哨官員及引路向導人等俱聽叅將張經督同指揮周胤宗等分俵停當照例逐一講明然後分投速進縱使諸賊先以聞風逃避亦要嚴兵深入搗其巢穴以宣明本院聲罪致討之義一勦不獲至於再再

勦不獲至於三至四至五至殄絕禍根乃已但不得濫及已招賊巢虧失信義經過良善村分尤要嚴禁官土軍兵不得侵犯一草一木有犯令者卽以軍法斬首

行叅將沈希儀計勦八寨牌

近因八寨播賊稔惡已經調發思田目兵攻破賊巢方在分投揆捕訪得八寨後路潛通柳州又有一路與韋召假賊巢相通皆未委虛的合行密切查處爲此牌仰叅將沈希儀卽行密訪若果有潛通賊路就仰本官從宜相機行事或從彼地掩襲韋召假賊巢就從彼巢徑趨八寨後路或以迎候本院爲名徑來賓州督調別項軍兵就從八寨取道然須將勇兵精又得知因向導可以必勝本院亦無意必之心俱聽本官相機行事量力可行卽行可止卽止牌至務在慎密毋令一人輕泄

分調土官韋虎林進勦韋召蠻等賊巢

除行守備叅將沈希儀相機行事及差南寧鎮撫朱鈺齋捧 令旗令牌前去督調外牌仰東蘭州

知縣堂上林冠驍勇精兵三四千名親自統領就於該州附近三旺德合等取道密切進兵撲勦下邑中寨尋令東鄉馬欄南嶺新村莫村落村等寨賊首韋召蠻召曠召假召僚召號召旺天臘公線仲言轉周韋馬覃廣覃文祥等務要盡數擒斬以靖地方所獲功次通行解赴軍門以憑給驗給賞如遇叅將沈希儀已到地方仍聽節制行事若尚未到仰卽火速進勦不必等候以致張揚泄漏失悞事機罪有所歸

王陽明先生全集

卷三十

公移三

五

行潯州府撫恤新民牌

照得潯州等處稔惡猺賊旣已明正討伐其奔竄殘黨亦合撫處但其驚懼之餘未能遽信必須先將附近良善厚加撫恤使爲善者益知勸勉然後各賊漸知歸向方可以漸招撫除行守巡該道施行外牌仰知府程雲鵬等卽行會同指揮等官周胤宗等及各縣知縣等官分投親至良善各寨照依案驗內開論事情諄復曉諭就將發去告示魚鹽量行分給務使向善之心愈加堅定毋爲殘賊

所扇誘則良民日多而惡黨日消又因而使之勸諭各賊令各改過自新果有誠心來投者卽與招撫就便清查侵占田土以絕後爭推選衆所信服之人立爲頭目使各統領毋令散亂以漸化導務使日益親附庶幾地方可安而後患可息各官務要誠愛惻怛視下民如己子處民事如家事使德澤垂於一方名實施於四遠身榮功顯何所不可如其苟且目前虛文抵塞欺上罔下假公營私非但明有人非幽有鬼責抑且物議不容

批廣東按察司立縣呈

據副使汪玉呈稱云云卷查先爲圖議邊方後患事准兵部咨云云續據湖廣按察司呈奉湖廣巡撫都御史秦 案驗候木院撫臨至日會行議處具 奏定奪施行隨據副使汪玉呈云云看得立縣之舉今日三年而兩省會議猶是道傍之談似此往復不已畢竟何時定計自昔舉事須順人情凡今立縣專爲弭亂若使兩地人心未協遂爾執已見而行則是今日定亂之圖反爲異時起爭之

本今江西安仁東鄉各縣紛紜奏請建正元恩

師今徵矣除行該道兵備官上緊約會廣東各官親詣地方拘集里老年高有識者備詢輿論務在衆議調停兩情和協就行相度地勢會計財力監督起工然後各自回任若使議終不合必欲各自立縣亦須酌裁適均要見廣東於高宿立縣都圖若干湖廣於苞籬立縣都圖若干城池高廣若干官員裁減若干異時賦役兩地逃躲若何區處盜賊彼時出沒若何緝捕一應事宜逐條開議須於不同之中務求通融之術不得徒事空言彼此推託苟延目前不顧後患異時追論致禍之因罪亦終有不免除批行湖廣該道兵備官查照外仰抄案回司會同布政司各行該道守巡守備等官約會湖廣各官而議停當一面會計工料委官及時興工一面備繇開詳以憑覆奏毋再推延執拘致有他虞斷行叅究不恕仍行兩廣提督并巡按衙門查照催督施行

批湖廣兵備道設縣呈

據整飭柳桂衡永等處兵備湖廣按察司副使汪玉呈稱本道接管看得議 奏計處地方以弭盜賊事件內一件審處賊遺田地俱經查勘明白屬宜章者撥與該圖領種屬臨武者各歸原主屬桂陽者原議候設立大堰三堡撥給各堡軍兵頂種續奉巡撫衙門批委同知魯圯再行踏勘計處一件添設屯堡以嚴防禦見奉提督衙門案驗區處其第一件設縣所以便撫禦最為緊要重大縣所既設則更番有所歸着哨營可以掣散至於添屯

堡處巡司併縣堡審田地四事可以次第興行但先因廣東守巡兵備等官所見或異致蒙該部請命提督大臣親詣勘處又緣別有機務未卽臨勘至於今日本職竊意廣東各官決無不肯協和成事之心蓋因比時多事未暇細閱文書及查原經委官止有同知魯圯見在原奉提督衙門行令徑自約會廣東各官速將設縣事情及添屯所事宜查議除行同知魯圯前去約會廣東該道委官議處本職仍親詣適中地方約會外理合呈詳施行

等因到院卷查先爲圖議邊方後惠事准兵部咨云云續據湖廣按察司呈奉巡撫湖廣都御史奏案驗云云候木院撫臨至日會行議處具奏定奪施行各無苟且塘塞去後今呈前因參照前項立縣等事關係地方安危遠近人心懸望恨不一日而成本院雖奉勅旨別有機務不暇親詣而該道前任守巡各官皆有地方重責自當遵照晝夜經營却乃因循二年之上尚未完報縱使國法可以倖免不知此心亦何以自安今照接管副使

王陽明先生全集

卷二十

公移三

五

汪玉久負體用之學素有愛民之心據所呈報既已深明事機洞知緩急遂使舉而行之罔當易於反掌合再督催以速成績爲此仰抄案回道卽往彼地約會各該道守巡等官速將設縣等項事情議處定當具絲呈奪應施行者一面施行務爲羣策畢舉之圖以收一勞永逸之績毋再因循仍蹈前轍未便仍行都布按三司一體查照會議施行

行嶺北道申明教導軍令

照得本院調到寧都等縣官兵機快人等見在贛

州教塲住劄操閣中間恐有不守軍令罪及無辜  
應合禁約隨據副使王度呈開合行事宜叅酌相  
同爲此仰抄案回道卽行出給告示張掛教塲曉  
諭官兵機快各加遵守如有違犯事情重人者拏  
送軍門依軍令斬首其事情稍輕者該道徑自究  
治發落仍呈本院查考

計開  
一各兵但有擅動地方一草一木者照依軍令  
斬首示衆

王陽明先生全集

卷二十

公移三

五九

一各兵但有管哨官總指稱神福饋送打點等  
項名色科派銀物自一分以上俱許赴該道面  
告究治

一管哨官凡遇歇操之日竝在營房居住鈴束  
機兵教演武藝敢有在家遊蕩及挾妓飲酒朋  
夥喧譁者訪出網打一百

一各兵但有疾病事故許管哨官稟明醫驗不  
許顧人頂替如有用財買求地方光棍替身上  
操仰該管總小甲拏獲首送該道枷號如隱情

不首事發連總小甲一體枷號

一各兵在市買辦柴米酒肉等項俱要兩平交易如有恃強多占分兩被人告發枷號示衆

一管哨官凡遇各兵鬪毆喧鬧等項小事量行

懲治大事稟該道拏問不許縱容爭競騷亂轄

門

一各歇操之日各將隨有器械務在整刷鋒利鮮明毋得臨時有悞如平日懶惰不行修理上操之際弦矢斷折銳砲不響旗幟不明查出細

打一百

一各兵遇上班之日不許因便赴該道府訴告

家鄉戶婚田土等項事情查出痛責四十

一各兵上街行走俱要懸帶小木牌一面上寫

某哨官總下某人年甲籍貫辨別如有隱下兵

打名色另着別樣衣冠暗入府縣挾騙官吏及

來軍門并道門首打聽消息訪出枷號不恕

一各兵領到工食銀兩俱要樽節用度謹慎收

放如有奢侈用盡及被人偷盜縱來訴告缺失

俱不准理仍重加責治

一各該上班兵夫如有限期未滿先行逃回者  
差人原籍拏來用一百觔大枷枷號教場門首  
三箇月滿日細打一百仍依律問發邊遠充軍  
一各哨官并兵夫有軍門一應便宜及利所當  
興害所當革者許赴軍門及該道直白條陳不  
許諸人阻當

行江西布按二司釐革撫綏條件

照得江西未亂之前民僞頗滋吏政多弊撫治之

王陽明先生全集

卷二十

公移三

空

責已號煩難況大亂之後錢糧有侵尅之費軍伍  
有缺乏之虞奸惡僞興災旱荐作法度申明之未  
至官吏怠玩之或生本院討賊平亂功雖告成釐  
革撫綏力尚未備若不條析處分深爲未便爲此  
仰抄案回司照依案驗內事理逐一遵照施行務  
使事各舉行民沾實惠毋得虛應故事取罪不便

計開

一省城大亂固已勦平地方守備難便廢弛除  
南新二縣機兵令分巡該道分撥守門外仰布

按二司掌印官會同於所屬隣近府州酌量原編機兵多寡量取餉二千名各委相應人員帶領來省操練以備不虞仍行南昌道分巡官較視點閱其各兵口糧就令各該縣分動支預備倉米穀計日分給候事完之日停止

一十四年起運兌淮間有被賊擄掠其未兌及未到水次并偏僻去處未經賊掠者尚多誠恐官吏糧里人等乘機隱匿捏故侵欺合先行查仰布按二司掌印官卽行各該府州縣將已兌

糧數通查要見見在若干果被賊擄若干取具重甘結狀造冊繳報以憑議處其見在糧米就於所在地方暫且囤貯看守如有未兌捏作已兌不曾被賊捏作賊劫者照例問發充軍官吏坐擬贓罪不恕

一南昌九江南康三府被賊殘害尤宜矜恤仰布按二司掌印官作急查勘呈來以憑議處

一南昌左衛旗軍多因從逆擒斬以致缺伍仰布按二司官卽便出給告示許令在逃旗軍并

餘丁投首照依榜例免其罪名着令頂補軍役  
漸委官員管領以備操守

一建昌安義二縣賊首雖已擒獲遺漏餘黨尚  
多今既奉有榜例合與更新仰布按二司轉行  
該縣出給告示許各自新痛改前惡卽爲良民  
有司照常撫恤團保糧里不得挾私陷害如有  
不悛仍舊爲非者擒捕施行

一寧王庄田基屋湖地并寧府官員人役及投  
入用事從逆等項人犯田產例應籍沒合先查

理除將內官黃瑞基屋改作東湖書院以便學  
者講習外其餘仰布按二司掌印官會同南昌  
道分巡官行委的當官員逐一清查如田庄要  
見坐落地名何處田畝若干山塲樹木若干湖  
地廣闊若干房屋幾門今年見在花利卽便收  
貯所在地方責人看守通造手冊繳報其有原  
係占奪民間物業相應給還及估價發賣仍佃  
者俱候查明之日從容呈議審處敢有隱匿及  
指以原業捏稱借貸輒行據占者先行拏問不

怨

一省城各衙門并公廨有殘圯應合修理者仰  
布按二司掌印官會同該道官叅酌緩急行令  
府縣移拆無用房屋量加修理毋得虛費財物  
一省城湖地仰布按二司行南昌府縣其城濠  
行都司各委人看守魚利公同變收入官以備  
公用不許私取及致人偷盜

一今年鄉試因亂廢格除應否補試另行議奏  
外其未亂之前已經舉行未畢事件合先查究

王陽明先生全集

卷二十

公移三

寄

仰布政司將原發修理貢院席舍并發買物料  
等項銀兩若干委何人管卽今已修完并買到  
物料若干見存銀兩若干查明造報毋得因循  
致令吏胥乘機隱匿作弊其已買物料有不堪  
貯者姑令變價還官以俟再買以後未舉事件  
有應合預處者會同按察司并該道官一面議  
處施行按察司仍行提學官轉行所屬知悉

廬陵縣公移

廬陵縣爲乞蠲免以蘇民困事准本縣知縣王關

查得正德四年十一月二十六日本縣抄蒙本府

紙牌抄奉 欽差鎮守江西等處太監王 鈞牌

差吏龔彰齋原發銀一百兩到縣備仰掌印官督

同主簿宋海拘集通縣糧里收買葛紗此因知縣

員缺主簿宋海官徵錢糧典史林嵩部糧止有縣

丞楊融署印又蒙上司絡繹行委催提勘合人犯

印信更替不一正德五年三月十八日本職方纔

到任隨蒙府差該吏郭孔茂到縣守催當拘糧長

陳江等着令領價收買據各稱本縣地方自來不

王陽明先生全集

卷二十

公移三

查

產葛布原派歲額亦不曾開有葛布名色惟於正

德二年蒙 欽差鎮守太監姚 案行本布政司

備查出產葛布縣分行令依時採辦無產縣分量

地方大小出銀解送收買本縣奉派折銀一百五

兩當時百姓嗷嗷衆口騰沸江等迫於徵催一時

無繇控訴只得各自出辦賠贖正德四年仍前一

百五兩又復忍苦賠解今來復蒙催督買辦又在

前項加派一百五兩之外百姓愈加驚惶恐自此

永爲定額遺累無窮兼之歲辦料杉楠木炭牲口

等項舊額三千四百九十八兩今年增至一萬餘兩比之原派幾於三倍其餘公差往來騷擾刻剝日甚一日江等自去年以來前後賠贖七十餘兩皆有實數可查民產已窮征求未息况有旱災相仍疾疫大作比巷連村多至闔門而歿骨肉奔散不相顧療幸而生者又爲征求所迫弱者逃竄流離強者羣聚爲盜攻劫鄉村日無虛夕今來若不呈乞寬免切恐衆情忿怨一旦激成大變爲此連名具呈乞爲轉申祈免等情據此欲爲備繇申請

聞驀有鄉民千數擁入縣門號呼動地一時不辯所言大意欲求寬貸倉卒誠恐變生只得權辭謝解諭以知縣自當爲爾等申請上司悉行蠲免衆始退聽徐徐散歸本月初七日復蒙鎮守府紙牌催督前事并提當該官吏看得前項事件旣已與民相約豈容復肆科斂非惟心所不忍兼亦勢有難行參照本職自到任以來卽以多病不出未免有妨職務坐視民困而不能救心切時弊而不敢言至於物情忿激擁衆呼號始以權辭謝諭又復

擅行蠲免論情雖紆一時之急據理則亦非萬  
全之謀既不能善事上官又何以安處下位苟欲  
全信於民其能免禍於已除將原發銀兩解府轉  
解外合關本縣當道垂憐小民之窮苦俯念時勢  
之難爲特賜寬容悉與蠲免其有遲違等罪止坐  
本職一人卽行罷歸田里以爲不職之戒中心所  
甘灰且不朽等因備關到縣准此理合施行

甘灰且不朽等因備關到縣准此理合施行  
本縣一人卽行罷歸田里以爲不職之戒中心所  
甘灰且不朽等因備關到縣准此理合施行  
全信於民其能免禍於已除將原發銀兩解府轉  
解外合關本縣當道垂憐小民之窮苦俯念時勢  
之難爲特賜寬容悉與蠲免其有遲違等罪止坐  
本職一人卽行罷歸田里以爲不職之戒中心所  
甘灰且不朽等因備關到縣准此理合施行

陽明先生文集跋

開闢以來有物孳乳字之曰道道之自傳者曰太極四聖人奉爲易祖以志不祧道之以人傳者曰心性曰仁義曰禮樂曰文章建杓不一總爲定世符焉人之以道傳者曰見知曰聞知其正統閏位如帝王師相之叶應有主有輔顧知從何來又從何往司兵刑者可進司禮教者可疑非廓目純心光射蝨輪勇貫石羽誰與卜千秋之定案哉自玄鳥發祥而帝命敬敷天錫桓撥發響虞廷下而與

王陽明先生全集跋

卷之二十

一

日躋恭默金聲玉振相應教鐸總萃一門天縱大成如太極之不可祧非二氏所得剿竊困源固亶厚已迨尼山高弟三千七十而後世明君察相乃能躋子輿氏于端木顓孫之上配之爲四若奠方若定時仰鑽不拔嗣是而五之六之豈遂無人從祀兩廡足矣左持聖燈右操玉鈇嚴統以杜竄其在斯歟吾姚陽明先生出而高弟若龍谿先生獨昌言曰顏淵死而聖人之道亡是果亡歟否歟端木氏以天不可階贊先聖豈曾孟有階顏雖蹉乎

後於絕塵而實無階歟陽明先生直提孩始稟承  
子興昌明良知是鏡是燈卽光卽照掃盡階梯得  
一萬畢乃世卒未聞以位置子興氏者位置吾陽  
明子煙海悠悠將誰與正之且功在社稷震主驚  
人智侔陰符出天入地而皆出自觸之不動之中  
不難其唾手以奏膚功而難其弱齡之時出居庸  
以商備禦聚果核以列陣圖功成之後忠泰無所  
用其控羅續綸無所施其附會靈光一點固不待  
龍場石榔時豁然而終身用之不窮雖欲指爲僞

爲異而無聲無臭天良具足四海晏如彼鳧短鶴  
長何足以云先儒有言後人當志顏子之志學伊  
尹之學尹於絕無師承時而卓然自任曰予天民  
之先覺提先覺後人自知覺但一覺之惟從覺來  
故卻幣受幣放桀放儲如龍蛇五化不可方物然  
則志顏學伊惟陽明先生足兼之世人不知體用  
合一之學而曰世尚虛玄考亭救之以實世矜帖  
括先生救之以虛夫良知而惡得云救哉良知而  
云救則曰太極曰心性皆不足以生兩儀而懸日

月矣余謂考亭學會其格物自省也其定論一貫也世無孔子而止以程先生學顏其致知卓爾也其易地禹稷也宛然一伊而進於孟然則道以知傳知以道印胎於良孩於覺壯於見孳于聞雖子輿氏一則曰無有再則曰無有正聞之緒槩可觀已今天下南面稱師自名理學者如適滄溟而不望斗杓與波上下東西易面曾不知返能無生心害政之憂余姪仲高與余蠡測聖諦嚆濟義蘊者益自其童試以至今筮仕百粵垂二十餘稔無不時出所得抵掌快心每能以身著理以理著才其於先生直見爲性無岐分身有先後故甫蒞政而卽有茲集之刻問序於余余何能知陽明先生而縱心活潑潑之地仰面斯昭昭之天稍有稱說總不敢啓榛途而投錦阱因以告千百世之知陽明先生者庶幾於雍容樽俎之間庚桑壇社之會更思所以位置之或於余姪是編有厚望焉

姚江後學俞長民謹跋

三陽明先生全集跋

卷之二十

三

